

وَعَدَ اللَّهُ الَّذِينَ آتَيْنَا إِنَّكُمْ وَعَمِيلُوا الصَّلَاحِ بِالْمُسْتَقْبَلِهِمْ فِي الْأَرْضِ كَمَا أَسْتَخْلَفَ
الَّذِينَ مِنْ قَبْلِهِمْ وَلَمْ يَكُنْ لَّهُمْ دِيْنٌ أَرْجُونَ لَهُمْ وَلَمْ يُبَدِّلُوهُمْ مِنْ بَعْدِ حَرْقَهُمْ أَمَّا
يَعْبُدُونَ فَلَا يُشْرِكُونَ فِي شَيْءٍ وَمَنْ كَفَرَ بَعْدَ ذَلِكَ فَأُولَئِكَ هُمُ الظَّالِمُونَ



Taarifa kwa Vyombo vya Habari

Magereza ya Misri: Kati ya Mateso na Mauaji Pindi Heshima Inapokanyagwa Haki Huuawa! (Imetafsiriwa)

Katika tukio jengine la mara kwa mara la uhalifu uliofichwa, kijana mmoja aitwaye Ayman Sabry alikufa ndani ya kituo cha polisi katika Jimbo la Dakahlia kutokana na matuso ya kikatili, ambayo yaliacha alama wazi kwenye mwili wake. Chini ya masaa 48 baadaye, kijana mwengine alikufa ndani ya Kituo cha Polisi cha Al-Saff katika Jimbo la Giza, huku kukiwa na ripoti thabiti za kutelekezwa kimakusudi, dhulma, na ukatili, na kuvigeuza vituo vya polisi kuwa sehemu za vifo cha polepole.

Kama kawaida, utawala wa Misri ulikanusha kuhusika kwa vyovoyote vile, ukidai kwamba vifo vyote viwili vilitokana na "sababu za kimaumbile" licha ya ushuhuda wa mashahidi, picha zilizouja, na hali ya miili hiyo, ambayo yote yanathibitisha kuwa waliteswa. Hivi kwa nini wahusika kamwe hawawajibikishwi? Kwa nini hakuna uchunguzi wa kina na wa uwazi? Kwa nini kesi hufungwa kila wakati kwa maneno "hakuna msingi wa kuleta mashtaka"? Kwa nini serikali inasisitiza kuwalinda na kuwaondolea hatia wahalifu, isipokuwa ni mpangaji mkuu na mtekelezaji wa jinai hizi?

Vifo katika vituo vya polisi na magereza si vya pekee tena au matukio ya kipekee; vimekuwa muundo wa kimpangilio, unaoungwa mkono na chombo cha usalama ambacho hakiogopi kuhisabiwa na hakina kizuizi. Mbali na kupotevu kwa nguvu kunakotekelozwa, kuwekwa kizuizini kiholela, na kunyimwa kesi za haki, vituo vya uzuizini vimekuwa vitou vya udhalilishaji na umalizaji.

Kwa mujibu wa mashirika ya kutetea haki za binadamu, vituo vya polisi vya Misri vinashuhudia hali mbaya kizuizini, makumi ya wafungwa wamesongamana katika vyumba vidogo visivyostahiki hata kwa wanyama, wakinyimwa huduma za matibabu, na kuteswa kama njia ya udhalilishaji au kukiri makosa yao kupitia vurugu.

Hili linagongana na kile Uislamu umekiweka kama wajibu wa dola kwa raia wake. Katika Uislamu, serikali ina jukumu la kulinda maisha, utu na heshima. Pindi dola inapokuwa ni chombo cha dhulma na upanga unaoshikiliwa dhidi ya watu wake yenye, inaisaliti amana, inakiuka agano, na inakuwa adui kwa raia wake mbele ya Mwenyezi Mungu Mtukufu. Mtume (saw) alitahadharisha juu ya hatari ya viongozi wanaowabebesha mizigo au kuwadhulumu watu wao, akasema: «اللَّهُمَّ مَنْ وَلَيْ مِنْ أَمْرِنِي شَيْئاً فَشَقَّ عَلَيْهِمْ فَاشْقُ عَلَيْهِ، وَمَنْ وَلَيْ مِنْ أَمْرِنِي شَيْئاً فَرَقَ بِهِمْ فَارْقَ بِهِ» **Ewe Mwenyezi Mungu, ye yote anayetawalishwa juu ya mambo ya umma wangu akawafanya uzito, basi nawe mfanyie uzito, na ye yote anayetawalishwa juu ya mambo ya umma wangu akawafanya upole, basi nawe mfanyie upole.** (Imepokewa na Muslim)

Hii ni dua kutoka kwa Mtume wa Mwenyezi Mungu (saw) dhidi ya wale wanaoudhulumu Ummah na kufanya kiburi, basi vipi kuhusu wale wanaoutesa na kuua kwenye magereza? Vipi wale wanaogeza vituo vya polisi kuwa sehemu za kulipiza kisasi badala ya haki?

Miongoni mwa majukumu ya dola katika Uislamu ni:

- **Kuhifadhi uhai na heshima**, kama alivyosema Mtume (saw): «إِنَّ دِيَارَكُمْ وَأَمْوَالَكُمْ حَرَامٌ عَلَيْهِمْ كُحْرَمَةٌ» «Hakika damu zenu, mali zenu na heshima zenu ni takatifu na ni haramu kukiukwa kama utakatifu wa siku yenu hii katika mwezi wenu huu» (Imepokewa na Bukhari na Muslim)
- **Kuwahisabu maafisa wa dola kabla ya mtu mwengine ye yote**, kama inavyoonyeshwa na Khalifa Rashid (Khalifa Aliyeongoka) Umar ibn al-Khattab (radhi ya Mwenyezi Mungu ziwe juu yake), ambaye alisema: "Tangu lini mnawafanya watu kuwa watumwa wakati mama zao waliwazaa wakiwa huru?"

- **Kusimamisha uadilifu kwa wote**, bila ya ubaguzi au kinga, kwani kuhukumu kwa yale yote aliyoyateremsha Mwenyezi Mungu hakumtengi dhalimu, bila kujali madaraka yake.

Lakini uhalisia wa leo unathibitisha kwamba dola ya Misri inawalinda watesaji, inawatuza kwa kupandishwa vyeo na mafao, wakati wale wanyoofu, waheshimiwa, na watetezi wa kutabikishwa kwa Uislamu wanakandamizwa, wanafungwa jela, wanapandikiziwa kesi, na kuhukumiwa kwa dhulma.

Enyi Wanajeshi wa Kinanah: Nyinyi ni zana na wawezeshaji wa serikali hii, washirika katika dhambi zake, ima kwa kushiriki katika uhalifu au kunyamazia kimya juu yao. Mtume (saw) amesema:

«مَنْ أَعْنَى ظَالِمًا لَيْذِحْضَ بِبَاطِلِهِ حَقًّا فَقَدْ بَرَأَتْ مِنْهُ دِمَةُ اللَّهِ وَذِمَّةُ رَسُولِهِ»

“Mwenye kumsaidia dhalimu ili ashinde madai ya haki basi amejitenga na ulinzi wa Mwenyezi Mungu na ulinzi wa Mtume wake.” (Imepokewa na Ahmad)

Basi musiwe fimbo katika mikono ya madhalimu. Kuweni vile Mwenyezi Mungu alivyokukusudieni, askari wanaoulinda Umma, sio kuushambulia; wanaolinda damu yake, sio kuimwaga; wanaofanya kazi ya kusimamisha Sheria yake, sio kuwalinda madhalimu.

Simameni juu ya wajibu wenu, na timizeni faradhi ya nusrah, na kuweni waungaji mkono wa haki, mkiregesha Uislamu mahali pake panapostahiki, Khalifah katika uhalisia wake, na uadilifu katika ardhi ambayo umetoweka.

[إِنَّ اللَّهَ يَأْمُرُ بِالْعَدْلِ وَإِلَحْسَانِ وَإِيتَاءِ ذِي الْقُرْبَىٰ وَيَنْهَا عَنِ الْخُحَشَاءِ وَالْمُنْكَرِ وَالْبَغْيِ يَعِظُّكُمْ لَعَلَّكُمْ تَذَكَّرُونَ]

“Hakika Mwenyezi Mungu anaamrisha kufanya uadilifu, na hisani, na kuwapa jamaa; na anakataza uchafu, na uovu, na dhulma. Anakuwaidhini ili mpate kukumbuka.” [Surat An-Nahl: 90]

**Afisi ya Habari ya Hizb ut Tahrir
katika Wilayah Misri**